

**ИССИҚ СУВ ҲОЛИДАГИ ИССИҚЛИК ЭНЕРГИЯСИДАН
ФЙДАЛАНИШ ТЎҒРИСИДА
ШАРТНОМА**

2022 йил “14” январ

№ 270-сонли

Урганч шаҳар

«Хоразм иссиқлик манбаи» ДУК (бундан кейин “Таъминотчи” деб юритилади) номидан, Низом асосида фаолият кўрсатувчи раҳбари Ш.Бобожонов бир томондан, Қўшқўпир туман Халқ таълими бўлими (бундан кейин “Истеъмолчи” деб юритилади) номидан, Низом асосида фаолият кўрсатувчи раҳбари К.Нурматов иккинчи томондан, қуйидагилар тўғрисида мазкур шартномани туздилар.

I. ШАРТНОМАНИНГ ПРЕДМЕТИ

1.1. Ушбу шартнома бўйича “Таъминотчи” иссиқ сув ҳолидаги иссиқлик энергиясини етказиб беришни, “Истеъмолчи” эса истеъмол қилган иссиқ сув ҳолидаги иссиқлик энергияси учун ҳақ тўлаш мажбуриятини ўз зиммасига олади.

1.2. Шартноманинг йиллик умумий қиймати шартномага илова қилинган йиллик ҳисоб варағига асосан, Шундан: 164799600 (бир юз олтмиш тўрт миллион етти юз тўқсон тўққиз минг олти юз) Сум, бюджет ҳисобидан 0 (нўл) Сум, бюджетдан ташқари ҳисобдан.

1.3. Томонлар ўз фаолиятини Ўзбекистон Республикаси Президентининг 2021 йил 14 сентябрдаги «Шартномавий муносабатларни тубдан такомиллаштириш чора-тадбирлари тўғрисида»ги ПФ 6313-сонли фармони ва Ўзбекистон Республикаси Вазирлар Маҳкамасининг 22 август 2009 йилдаги 245-сонли қарори билан тасдиқланган “Иссиқлик энергиясидан фойдаланиш қоидалари”га мувофиқ амал оширадилар.

II. УЗАТИЛАДИГАН ИССИҚЛИК ЭНЕРГИЯСИ МИҚДОРИ

2.1. “Таъминотчи” “Истеъмолчи”га 2022 йил 01 январ кунидан 2022 йил 31 декабр кунигача бўлган даврда ҳисоб варақда курсатилган Гкал/соат энг катта иссиқлик юқламаси билан иссиқ сув ҳолидаги иссиқлик энергиясини етказиб беришга мажбур, бунда:

а) технологик эҳтиёжлар учун ҳисоб варақда курсатилган Гкал, (механизмлар ва ишчи-хизматчилар хизматисиз)
б) иссиқ сув таъминоти учун ҳисоб варақда курсатилган Гкал/соат; (улчигич жихоз урнатилган бўлса, курсаткичга асосан)
в) хоналарни иситишга ҳисоб варақда курсатилган Гкал/соат, ташқи муҳит ҳарорати +0,8 град.С бўлганда, (КМК 2.01.01-94 асосан)

г) шомоллатишга ҳисоб варақда курсатилган Гкал/соат, ташқи муҳит ҳарорати +0,8 град.С бўлганда, (КМК 2.01.01-94 асосан)

2.2. “Истеъмолчи”га иситиш ва шомоллатиш учун “Таъминотчи” томонидан бериладиган иссиқлик энергияси миқдори ташқи муҳитнинг ҳароратига қараб белгиланади, ишлаб чиқариш ва иссиқ сув таъминоти мақсадлари учун эса “Истеъмолчи” томонидан тақдим этилган ва “Таъминотчи” билан келишилган буюртманоманинг бир суткалик истеъмол жадвалига асосан белгиланади ва йил чораклари бўйича бўлиниши 6-иловада курсатилган:

2.3. “Таъминотчи” иситиш мавсумида узатиладиган тармоқ сувининг ўртача суткалик ҳароратини иссиқлик тармоғининг баланс бўйича мансублик чегарасида илова қилинаётган ҳарорат жадвалига мувофиқ бўлишини ҳамда ҳарорат жадвалидан (+/-) 3 фойз, узатувчи қувурдаги сувнинг босими жадвалда курсатилганидан (-/+) 5 фойз четта чиқишига йўл қўймаслигини таъминлайди.

Ёзги мавсумда эса узатиладиган тармоқ сувининг ўртача суткалик ҳарорати жадвалга курсатилганидан (+/-) 3 фойздан, узатувчи қувурдаги сувнинг босими (-/+) 5 фойз четта чиқишига йўл қўймаслигини таъминлайди.

2.4. “Истеъмолчи” қуйидагиларга риоя этади:

а) тармоқ суви сарфининг ҳисоблаб чиқилган миқдори 3-иловада курсатилгандан ошмаслиги;

б) иссиқлик тармоғидан олинadиган сувнинг энг катта миқдори методик қўлланмага асосан «Истеъмолчи»нинг иссиқ сув таъминотидан фойдаланувчи нукталарни иссиқ сув утқизиш меъёри, иссиқ сувдан фойдаланувчи нукталарнинг сони ва ҳакозалар тўғрисида тузилган икки томонлама далолотномага асосан. (Ёпиқ тизимда ишлайдиган қозонхонанинг иссиқлик тармоғидан иссиқ сув олиб фойдаланиш катъиян ман қилинади. Агар аниқланса, «Истеъмолчи»га иссиқ сув таъминоти учун ҳисоб-китоб қилинади.)

в) тармоқдан сизиб чиқадиган (йўқотиладиган) сувнинг меъёри «Иссиқлик энергиясининг ишлаб чиқиш, узатиш учун ёкилги, эл/энергияси ва сув сарфлари меърларини, ҳамда иссиқлик юқламаларини, иссиқлик тармоқларидаги технологик йўқотишларни аниқлашнинг ҳисоблаб чиқиш методикаси»нинг 42-пунктига асосан етказиб берилган иссиқ сувнинг 0,0025 м³ дан кўп бўлмаслиги;

г) қайтиш тармоғидаги сувнинг ўртача суткалик ҳарорати жадвалидаги миқдорга нисбатан 3⁰Сдан юқори бўлмаслиги. Тармоқдан олинadиган сувнинг энг катта миқдори “Таъминотчи” томонидан ростлагич (регулятор) ёки сурилма қопқоқ ёрдамида белгиланади. (Элеватордаги торайтирувчи қурилмаларни алмаштириш “Таъминотчи” билан келишилган ҳолда амалга оширилади. Элеватор қурилмалари ҳар йили «Таъминотчи» томонидан юборилган йуриқномага асосан қуриқдан утқазилиши ва йуриқнома талабларига тулиқ жавоб бериши шарт.)

2.5. “Истеъмолчи”нинг қайтиш магистраль тармоғидаги сув босими, маҳаллий тизимни тўлиқ тўлдирилишини таъминлаши лозим, акс ҳолда “Истеъмолчи” иссиқлик қирувчи қувурда ростлагич (регулятор) ўрнатади.

III. ИССИҚЛИК ЭНЕРГИЯСИНИНГ НАРХИ ВА ҲИСОБ-КИТОБ ҚИЛИШ ТАРТИБИ

3.1. Иссиқлик энергияси учун тўловларни амалга оширишнинг ҳисоб-китоб даври бир ой ҳисобланади.

3.2. “Истеъмолчи”га етказиб берилган иссиқлик энергиясининг миқдори кириш қисмида ўрнатилган ҳисобга олиш приборларининг кўрсаткичлари бўйича аниқланади. (Агарда «Истеъмолчи»нинг иссиқлик энергия ёки иссиқ сув таъминотига ҳисобга олиш прибори ўрнатилаган бўлса, бу ҳақида икки томонлама тузилган далолатнома ушбу шартномага илова қилинади. «Истеъмолчи» объектларида иссиқлик энергиясини ҳисобга олиш приборлари ўрнатилмаган бўлса, «Иссиқлик энергияси ишлаб чиқиш, узатиш учун ёкилғи, электр энергияси, иссиқлик энергияси ва сув сарфлари меъёрларини ҳамда иссиқлик юкламаларини, иситиш қозонхоналарининг уз эҳтиёжлари учун иссиқлик энергияси сарфини, шунингдек иссиқлик тармоқларидаги йўқотишларни аниқлашнинг ҳисоблаб чиқиш методикаси»га биноан ҳисобланган биноларини иситишга керакли бўлган иссиқлик миқдори бўйича ҳисоб-китоб қилинади.)

3.3. “Таъминотчи”нинг объектларида ўрнатиладиган иссиқлик энергиясини ҳисобга олиш приборлари “Истеъмолчи” томонидан сотиб олинади ва ўрнатилади, “Ўзстандарт” агентлигида аттестациядан ўтказилгандан кейин шартнома асосида “Таъминотчи”нинг хизмат кўрсатишига ўтказилади.

“Истеъмолчи”да ўрнатилган ҳисобга олиш приборлари “Истеъмолчи”нинг ўзи томонидан “Ўзстандарт” агентлигида аттестациядан (прибор комплектида 2 йилда, термометр 1 йилда бир марта) ўтказилади, “Истеъмолчи”нинг ўзи томонидан прибор ечиб олинади, таъмирланади, ўрнатилади ва эксплуатация қилинади.

3.4. “Таъминотчи” томонидан хизмат кўрсатиладиган ҳисобга олиш приборларини таъмирлаш даври мобайнида иссиқлик энергияси учун ҳисоб-китоблар приборлар тўхташидан олдинги охириги 15 сутка учун ўртача суткалик сарф бўйича амалга оширилади. “Истеъмолчи”нинг балансидаги иссиқликни ҳисобга олиш приборлари таъмирлаш учун 15 суткагача бўлган муддатга тўхтатилганда иссиқлик энергияси учун ҳисоб-китоблар приборлар тўхташидан олдинги охириги 15 сутка учун ўртача суткалик сарф бўйича, 15 суткадан кўп бўлган муддатга тўхтатилганда эса ҳисоб-китоблар шартномадаги бир соатлик юклама ва иссиқлик энергиясини узатиш соатлари сони бўйича амалга оширилади.

“Истеъмолчи” ҳисобга олиш приборларини таъмирлаш тугагунгача истеъмол қилишни тўхтатиб туришга ҳақлидир, бу ҳолда “Таъминотчи” беркитиш арматурасини пломбалайди ва бу ҳақда биргаликда далолатнома тузилади.

3.5. Ҳисобга олиш приборлари бўлиниш чегарасида ўрнатилмаган тақдирда иссиқлик энергияси учун ҳисоб-китоблар бўлиниш чегарасидан ҳисобга олиш приборлари ўрнатиладиган жойгача бўлган участкадаги иссиқлик энергияси йўқотишларини ҳисобга олган ҳолда амалга оширилади. Йўқотишларнинг ҳисоб-китоби “Иссиқлик энергиясини ишлаб чиқариш ва узатиш учун иссиқлик юкламаларини, ёкилғи, электр энергияси, иссиқлик энергияси ва сув сарфлари меъёрларини ҳамда технологик йўқотишлар меъёрларини аниқлаш тартиби тўғрисида”ги Низомга мувофиқ амалга оширилади.

Йўқотишларнинг ҳисоб-китоби “Таъминотчи” томонидан “Истеъмолчи” билан биргаликда тармоқларнинг мансублиги ҳисобга олинган ҳолда амалга оширилади ва икки томонлама далолатнома тузилади.

3.6. Қуйидаги ҳолларда тармоқ сувидаги иссиқлик энергияси йўқотишлари “Истеъмолчи” томонидан шартномавий нархлар бўйича тўланади:

иссиқлик тармоқларининг гидравлик ва ҳароратли синовлари ўтказилиши билан боғлиқ йўқотишлар ўрнини тўлдириш;

“Истеъмолчи” тармоғини унинг буюртманомаси бўйича тўлдириш, аварияли вазиятлар ҳам шу жумлага киради;

“Истеъмолчи”дан қайтариладиган паст сифатли (таркибида темир, механик қоришмалар ва бошқалар мавжуд бўлган) орқага қайтадиган тармоқ сувини сиздириш.

3.7. “Таъминотчи”нинг айби билан юз берган тармоқ сувидаги иссиқлик энергияси йўқотишлари учун “Истеъмолчи” томонидан ҳақ тўланмайди.

3.8. “Таъминотчи” ва “Истеъмолчи”нинг иссиқлик тармоқлари баланс бўйича мансублиги бўлиниш чегарасигача иссиқлик энергияси етказиб бериш бўйича барча харажатлар ва унинг йўқотишлари тарифларда ҳисобга олинган бўлиб, тарифлардан ортиқча қўшимча ҳақ тўланишига йўл қўйилмайди.

3.9. Иссиқлик тармоқларининг баланс бўйича мансублиги бўлиниш чегарасидан кейин иссиқлик энергиясининг барча харажатлари ва йўқотишлари “Истеъмолчи”нинг ҳисобига тегишли бўлади. Агар иссиқ сув “Истеъмолчи”нинг иссиқлик тармоқлари орқали узатилса иссиқлик энергияси миқдори электр станцияси (туман қозонхонаси) коллекторида ҳисобга олиш приборларининг кўрсаткичлари бўйича аниқланади.

3.10. “Истеъмолчи” ҳар ойда ҳисобга олиш приборлари кўрсаткичларини ёзиб олади ва ҳар ойнинг 25 санасигача истеъмол қилинган иссиқлик энергияси ҳақидаги ҳисоботни “Таъминотчи”га тақдим этади.

Истеъмол қилинган иссиқлик энергияси ҳақидаги ҳисобот “Истеъмолчи” томонидан белгиланган муддатда тақдим этилмаса, “Таъминотчи” ҳисоб-китобни шартномадаги иссиқлик юкламаси бўйича амалга оширади. Амалда истеъмол қилинган иссиқлик энергияси миқдорини қайта ҳисоб-китоб қилиш, соз ҳолатдаги ҳисобга олиш приборининг кўрсаткичлари биргаликда ёзиб олиниб, тегишли далолатнома тузилгандан кейин амалга оширилади. Мазкур қайта ҳисоб-китоб, кейинги ҳисобот даври учун ҳисоб-китоб қилишда эътиборга олинади. Иссиқлик энергияси ҳақидаги ҳисобот истеъмолчи томонидан тақдим этилганидан сўнг “Таъминотчи” томонидан “Истеъмолчи” билан биргаликда ҳисоблагичларнинг кўрсаткичи ва ҳақиқий истеъмол қилинган иссиқлик энергияси бўйича ҳисобот расмийлаштирилади (4-Илова), у узатилган ва истеъмол қилинган иссиқлик энергиясини ҳисобга олишнинг бирламчи ҳужжати бўлиб ҳисобланади. Ҳисобга олиш приборларининг кўрсаткичлари тақдим этилган бўлса, улар бўйича ҳисобот бир томонлама тартибда тузилади.

“Таъминотчи” истеъмоли қилинган иссиқлик энергияси учун ҳисоб-китобни ўрнатилган шакл (Ўзбекистон Республикаси Молия вазирлиги ва Давлат кумитасида рўйхатга олинган йуриқнома иловасига асосан) бўйича амалга оширади ҳамда ҳисоб-варақасини ёзиб “Истеъмоличи”га топширади.

Шу билан бир вақтда “Таъминотчи” ҳисоб-варақасига асосан хизмат кўрсатувчи банк орқали “Истеъмоличи”нинг ҳисоб рақамидан акцептсиз равишда ечиб олиниши учун ҳисобот ойига ҳисобланган ва амалга оширилган тўловлар суммаси айрилган қиймат бўйича тўлов талабномасини тақдим этади.

“Истеъмоличи” ҳар ойда иссиқлик энергияси учун шартномавий миқдорнинг 15 % (ун беш) фоиз миқдорда тариф бўйича қонунчилик билан ўрнатилган тартибда олдиндан тўловни амалга оширади.

3.11. “Истеъмоличи” томонидан ҳисобга олиш приборлари кўрсаткичларидаги нуқсонлар ёки иссиқлик энергияси сарфини ҳисоблашда йўл қўйилган хатолар аниқланган тақдирда “Истеъмоличи” бир ҳафта муддатда бу ҳақда “Таъминотчи”га ариза бериши керак.

Ҳисобга олиш приборларини текшириш тўғрисида ариза берилиши “Истеъмоличи”ни у истеъмоли қилган иссиқлик энергияси учун тўловни белгиланган муддатда тўлашдан озод қилмайди.

3.12. Узатилган иссиқлик энергияси учун “Истеъмоличи” “Таъминотчи”га 1 Гкал учун Вилоят молия бошқармаси томонидан тасдиқланган деларацияда тасдиқланган тариф бўйича тўлайди.

3.13. Тўлиқ етказиб берилмаган иссиқлик энергиясининг миқдори ҳисобга олиш приборларининг кўрсаткичлари бўйича аниқланади. Чеклаш вақти “Таъминотчи” диспетчерлик хизматининг оператив дафтаридаги ёзувлар бўйича аниқланади ҳамда икки томонлама далолатнома билан расмийлаштирилади.

“Таъминотчи”нинг айби билан “Истеъмоличи”нинг технологик эҳтиёжларига иссиқлик энергияси тўлиқ етказиб берилмаганлиги, ҳисобга олиш приборлари бўйича, иссиқлик энергияси тўлиқ етказиб берилмаган суткадан олдинги 3 суткадаги иссиқлик энергиясининг ўртача суткалик истеъмоли билан иссиқлик энергияси тўлиқ етказиб берилмаган суткада амалдаги истеъмоли ўртасидаги айирма сифатида аниқланади.

3.14. Ҳисобга олиш приборлари кўрсаткичларининг нотўғрилиги ёки иссиқлик энергияси сарфини ҳисоблашда хатоларга йўл қўйилганлиги тасдиқланган тақдирда “Таъминотчи” охириги ҳисоб-китоб давридаги иссиқлик энергияси сарфини тегишли равишда, “Истеъмоличи”нинг вакиллари билан биргаликда далолатнома тузиб, қайта ҳисоб-китоб қилишга мажбур.

Йўл қўйилган хатолар бўйича бажарилган қайта ҳисоб-китоб кейинги ҳисоб-китоб даврида истеъмоли қилинган иссиқлик энергияси учун навбатдаги тўлов ҳужжатини ёзишда ҳисобга олинади.

3.15. “Истеъмоличи”ларга иссиқ сув эҳтиёжлари учун етказиб бериладиган иссиқ сув ҳарорат жадвалидан паст булган тақдирда, иссиқ сув учун тариф бўйича 0,2 фоизли чегирма билан амалга оширилади.

3.16. Тарифлар ўзгарган тақдирда, улар амалга киритилган вақтдан бошлаб ҳисоб-китоблар, янги тасдиқланган тарифлар бўйича амалга оширилади.

Истеъмоли қилинган иссиқлик энергияси учун “Истеъмоличи” томонидан тўловлар, ҳисоб-китоб ойдан кейинги 30 календарь кун мобайнида амалга оширилади.

3.17. Шартномавий иссиқлик юкламасини ўзгартириш “Истеъмоличи”нинг буюртмасига кўра “Таъминотчи” томонидан ўз имкониятларидан келиб чиққан ҳолда амалга оширилади.

IV. ТОМОНЛАРНИНГ ҲУҚУҚ ВА МАЖБУРИЯТЛАРИ

4.1. “Истеъмоличи”нинг ҳуқуқлари:

а) иссиқлик энергиясидан фойдаланиш шартномасига мувофиқ иссиқлик таъминоти корхонасидан иссиқлик энергиясининг узлуксиз етказиб берилишини талаб қилиш;

б) иссиқлик энергиясини етказиб бериш режимини назорат қилиш, иссиқлик энергияси параметрларининг шартномавий миқдорлардан четга чиқишига йўл қўймаслик:

иссиқ сув етказиб бериш бўйича:

иссиқлик берувчи қувурда сув ҳарорати бўйича – 3 фоиздан ортиқ (+);

иссиқлик берувчи қувурда сувнинг босими бўйича - 5 фоиздан ортиқ (+);

орқага қайтадиган қувурда сувнинг босими бўйича - 20 кПа ортиқ (+) четга чиқишга йўл

қўймаслик. Бунда параметрлар ўртача суткалик миқдор сифатида олинади;

в) “Иссиқлик энергиясидан фойдаланиш” қоидалари талабларига мувофиқ ўзининг иссиқлик тармоқларига субистеъмоличиларни улаш;

г) иссиқлик энергиясининг шартномавий параметрлари “Таъминотчи”нинг иссиқлик энергияси истеъмолини тўхтатиш. Ушбу ҳолда “Таъминотчи” қонун ҳужжатларида белгиланган тартибда “Истеъмоличи” олдида жавоб беради.

4.2. “Истеъмоличи”нинг мажбуриятлари:

а) “Табиатни муҳофаза қилиш тўғрисида”, “Атмосфера ҳавосини муҳофаза қилиш тўғрисида”ги Ўзбекистон Республикаси қонунларига, “Иссиқликдан фойдаланувчи қурилмалар ва иссиқлик тармоқларини техник эксплуатация қилиш қоидалари”га, “Иссиқликдан фойдаланувчи қурилмалар ва иссиқлик тармоқларини эксплуатация қилишда хавфсизлик техникаси қоидалари”га ҳамда “Иссиқликдан энергиясидан фойдаланиш қоидалари”га қатъий риоя қилиш;

- б) иссиқлик энергияси ва иссиқ сув учун тузилган шартномада 2.2 бандида курсатилган истеъмол жадвалига асосан буюртмани тулик кабул қилишни, иссиқлик энергия учун шартномада белгиланган муддатларда ҳақ тўлаш;
- в) “Таъминотчи” билан келишмасдан иссиқлик энергияси бир соатлик юкламаларнинг шартномавий миқдорини оширмаслик ҳамда иссиқлик энергиясидан фойдаланиш бўйича тузилган шартномага мувофиқ иссиқлик истеъмоли режимига риоя қилиш ва тармоқ сувининг олинishi миқдорини оширмаслик;
- г) иссиқлик истеъмоли режимига нисбатан “Таъминотчи”нинг тезкор кўрсатмаларини бажариш;
- д) тармоқ сувини иссиқлик энергиясидан фойдаланиш шартномасида белгиланган миқдорда ва тегишли ҳароратда қайтариш;
- е) иссиқликдан фойдаланувчи қурилмалар ва иссиқлик тармоқлари, иссиқликни ҳисобга олиш приборлари, қувурлар изоляцияси ва иссиқликдан фойдаланувчи ускуналарни техник жиҳатдан соз ҳолатда сақлаш;
- ж) иссиқлик энергияси истеъмолини вақтинча тўхтатиш билан боғлиқ бўлган таъмирлаш ишларини бажариш муддатларини “Таъминотчи” билан келишиш;
- з) ҳисобга олиш приборлари, иссиқ сувни тўкиш учун жумраклар, торайтирувчи қурилмалар ва арматурани “Таъминотчи”нинг вакили билан биргаликда пломбалаш, ўрнатилган пломбаларнинг сақланишини таъминлаш. Пломбаларни олиш “Таъминотчи”нинг рухсати билан амалга оширилиши лозим;
- и) “Таъминотчи”нинг вакиллари иссиқлик энергиясини ҳисобга олиш приборларини сутканинг исталган вақтида тўскинликсиз кўздан кечиришини таъминлаш;
- к) иссиқлик энергиясидан ноокилона ва исрофгарчилик билан фойдаланилишига йўл қўймаслик;
- л) иссиқлик тармоқлари устида иморатлар қурилишига, материаллар таҳлилишига, дарахтлар ўтказилишига йўл қўймаслик;
- м) “Таъминотчи” билан келишмасдан иссиқлик тармоқларини, муҳандислик ускуналарини ва қурилмаларни қайта жиҳозлашга йўл қўймаслик;
- н) иситиш приборларининг қўшимча секциялари, беркитиш ва бошқариш арматуралари ўрнатилишига ва чиқариб олинishiга йўл қўймаслик;
- о) иситиш тизимларида иссиқлик тармоқларидан бошқа мақсадларда фойдаланилишига (иситиш тизимлари ва приборларидан сув оқизилишига) йўл қўймаслик;
- п) “Истеъмолчи” “Таъминотчи”нинг балансида турган иссиқлик тармоқларида, олдиндан келишилган ҳолда амалга ошириладиган таъмирлаш ва қурилиш ишларини бажариш учун “Таъминотчи”нинг вакиллари ўз ҳудудига киритиши лозим;
- р) барча иссиқликдан фойдаланувчи қурилмалар ва иссиқлик тармоқларининг ижро чизмалари ва паспортларига ҳамда эксплуатация қилиш йўриқномаларига эга бўлиш;
- с) иссиқликдан фойдаланувчи қурилмалар ва иссиқлик тармоқларига тайёргарлик кўрган ходимлар томонидан хизмат кўрсатилишини таъминлаш;
- т) ишлаб чиқарилаётган маҳсулот (бажариладиган ишлар) бирлигига, иссиқлик энергияси сарфининг меъёрларини ишлаб чиқиш ва уларга риоя этилишини назорат қилиш.

4.3. “Таъминотчи”нинг ҳуқуқлари.

4.3.1. “Таъминотчи” қуйидаги ҳолларда “Истеъмолчи”ни огоҳлантириб, унга иссиқлик энергияси етказиб беришни тўлиқ ёки қисман тўхтатиш ҳуқуқига эга:

- а) иссиқлик энергияси учун тўлов ҳужжатида белгиланган муддатларда ҳақ тўланмаганда ёки иссиқлик энергиясидан фойдаланиш шартномасида белгиланган миқдорда олдиндан тўлов амалга оширилмаганда;
- б) субистеъмолчилар, янги иссиқликдан фойдаланувчи қурилмалар ва иссиқлик тармоқлари ўзбошимчалик билан уланганда;
- в) иссиқликдан фойдаланувчи қурилмалар ва иссиқлик тармоқлари “Ўздавэнергоназорат” ДИ рухсатисиз ишга туширилганда;
- г) иссиқликдан фойдаланувчи қурилмалар ва иссиқлик тармоқлари ҳисобга олиш приборларидан олдин уланганда;
- д) иссиқлик юкламаларининг белгиланган шартномавий миқдорлари ёки тармоқдаги сув сарфининг миқдори “Таъминотчи”нинг розилигисиз оширилганда;
- е) иссиқлик энергиясидан фойдаланиш шартномасида белгиланган бир соатда олинадиган тармоқ сувининг миқдори оширилганда;
- ж) тармоқдаги сув ифлосланганда;
- з) “Таъминотчи” вакиллари иссиқлик энергиясини ҳисобга олиш приборларини кўришга қўйилмаганда.

4.3.2. Ускуналарни таъмирлаш бўйича режали ишларни амалга оширишда ёки янги “Истеъмолчи”ларни улашда захира таъминлаш манбаи мавжуд бўлмаса “Таъминотчи” “Истеъмолчи”ни узиб қўйиш ҳуқуқига эгадир. “Истеъмолчи”ни иссиқлик энергияси етказиб беришнинг тўхтатилиши тўғрисида огоҳлантириш иссиқлик энергияси етказиб беришда танаффуснинг аниқ санасини (кунлар ва соатларни) келишиш учун 10 кун олдин амалга оширилади. Агар огоҳлантиришдан кейин 5 кун муддатда “Истеъмолчи” иссиқлик беришдаги танаффус вақтини келишиб олмаса, “Таъминотчи” ушбу вақтни мустақил равишда белгилаш

хукукига эга. Иссиқлик энергияси беришдаги танаффус, имкони борича, бу ҳақда узиб қўйишдан камида 24 соат олдин “Истеъмолчи”ни огоҳлантирган ҳолда, унинг ишдан ташқари вақтида амалга оширилиши керак.

4.3.3. Авариянинг олдини олиш ёки бартараф этиш юзасидан кечиктириб бўлмайдиган чора-тадбирларни кўриш учун “Таъминотчи”, узиб қўйиш сабабларини дарҳол маълум қилган ҳолда, “Истеъмолчи”га иссиқлик энергияси етказиб беришни тўхтатиб қўйиш ҳукукига эга.

4.4. “Таъминотчи” куйидагиларга мажбур:

- а) шартномага мувофиқ “Истеъмолчи”га иссиқлик энергиясининг узлуксиз етказиб берилишини таъминлаш;
- б) “Истеъмолчи”да “Таъминотчи”нинг объектида ўрнатилган иссиқлик энергиясини ҳисобга олиш приборлари кўрсаткичларининг тўғрилиги бўйича шубҳа туғиладиган бўлса, “Таъминотчи”, белгиланган тартибда, сутканинг исталган вақтида “Истеъмолчи” вакиллари иссиқлик энергиясини ҳисобга олиш приборларини кўздан кечиришини таъминлаши лозим;
- в) иссиқлик тармоқларининг баланс бўйича мансублик чегараларида иссиқ сув параметрларининг шартномага мувофиқ бўлишини таъминлаш, уларнинг:

иссиқлик берувчи қувурда сув ҳарорати бўйича - 3 фоиздан ортиқ ($\pm$);

сув босими бўйича:

иссиқлик берувчи қувурда - 5 фоиздан ортиқ ($\pm$);

оркага кайтадиган қувурда - 20 кПа дан ортиқ ($\pm$) четга чиқишига йўл қўймаслик. Бунда параметрлар ўртача суткалик миқдор сифатида ҳисобга олинади;

г) “Таъминотчи”нинг айби билан тўлиқ етказиб берилмаган иссиқлик энергияси қийматини қоплаш. Тўлиқ етказиб берилмаган энергия ҳажми “Истеъмолчи”нинг вакили иштирокида “Таъминотчи” томонидан аниқланади ва далолатнома билан расмийлаштирилади;

д) “Истеъмолчи”нинг иссиқлик энергияси тўлиқ етказиб берилмаганлиги, иссиқлик элтувчи параметрларини шартномадаги қиймагларга нисбатан пасайганлиги тўғрисидаги ёзма аризаларини 10 кун муддатда кўриб чиқиш;

е) иссиқлик тармоқларининг гидравлик ҳисоб-китобига мувофиқ “Истеъмолчи”нинг иссиқлик боғламалари учун торайтирувчи қурилмаларнинг ўлчами (размер сужающего устройства) белгилаб берилади.

V. ШАРТНОМА БАЖАРИЛМАГАНДА ЁКИ ЛОЗИМ ДАРАЖАДА БАЖАРИЛМАГАНДА ТОМОНЛАРНИНГ ЖАВОБГАРЛИГИ

5.1. Иссиқлик энергияси билан таъминлашда “Таъминотчи”нинг айби билан танаффуслар юз берган тақдирда “Таъминотчи” иссиқлик таъминотидаги танаффуслар оқибатида “Истеъмолчи”га етказилган моддий зарарни қоплайди.

Агарда «Истеъмолчи» шартномани 4.2 булими «б» бандини тулик бажармаса, (шартномани олдиндан бекор қилиш, буюртма қилинган иссиқлик энергия таъминотини камайтириш ёки 1 (бир) ойдан куп вақт мобайнида шартномадаги буюртмадан фойдаланишдан воз кечса ва ҳаказолар) «Таъминотчи»га шу давр мобайнида буюртма қилинган иссиқлик энергия ва иссиқ сув таъминотининг 10 % (ун) фоиз зарарини қоплайди.

5.2. Иссиқ сув ҳолидаги иссиқлик энергиясини етказиб бериш муддатлари кечиктириб юборилган, тўлиқ етказиб берилмаган ҳолларда, “Таъминотчи” “Истеъмолчи”га кечиктирилган ҳар бир кун учун мажбурият бажарилмаган қисмининг 0,4 фоизи миқдорида пеня тўлайди, бироқ бунда пенянинг умумий суммаси етказиб берилмаган иссиқ сув ҳолидаги иссиқлик энергияси баҳосининг 50 фоизидан ошиб кетмаслиги лозим.

Пеняни тўлаш шартнома мажбуриятларини бузган томонни иссиқлик энергиясини етказиб бериш муддатларини кечиктириб юбориш, тўлиқ етказиб бермаслик оқибатида етказилган зарарни қоплашдан озод этмайди.

5.3. Агар етказиб берилган иссиқ сувнинг сифати бўйича стандартлар, техник шартлар, конун ҳужжатларида ёки ҳўжалик шартномасида белгиланган бошқа мажбурий шартларга мос келмаса, («Таъминотчи» ва “Истеъмолчи”нинг вакиллари билан биргаликда носозлик ҳолати келиб чиқишини аниқлаш ишлари бажарилиб икки томонлама далолатнома тузилганда) иссиқ сувни истеъмол қилиш ҳамда уларнинг ҳақини тўлашни рад этиб, “Таъминотчи”дан сифати лозим даражада бўлмаган иссиқ сув қийматининг миқдорида жарима ундириб олишга ҳақлидир. Жаримани ундириш тўғрисидаги тўлов талабномаси банк муассасасига иссиқ сув сифати лозим даражада эмаслиги тўғрисидаги икки томонлама далолатнома тузилгандан кейин ўн кун ичида тақдим этилади. Жаримани ундириш тўғрисидаги тўлов талабномаси белгиланган ўн кунлик муддатни бузган ҳолда тақдим этилган ҳолларда, жаримани ундириш белгиланган тартибда амалга оширилади.

5.4. Етказиб берилган иссиқ сув ҳолидаги иссиқлик энергияси ҳақини ўз вақтида тўламаганлик учун “Истеъмолчи” “Таъминотчи”га ўтказиб юборилган ҳар бир кун учун кечиктирилган тўлов суммасининг 0,4 фоизи миқдорида, аммо кечиктирилган тўлов суммасининг 50 фоизидан ортиқ бўлмаган миқдорида пеня тўлайди.

5.5. Ушбу шартноманинг бекор қилиниши ва амал қилиш муддатининг тугаши, “Таъминотчи” ва “Истеъмолчи”ни турли кўринишдаги етказилган зарарни қоплаш ва истеъмол қилинган иссиқлик энергияси учун қарзларни тўлаш мажбуриятидан озод қилмайди.

5.6. Иссиқлик истеъмоли объектларининг иссиқлик тармоқларини ҳолати ва уларга хизмат кўрсатилиши бўйича жавобгарлик чегаралари “Таъминотчи” ва “Истеъмолчи” ўртасида тузилган, иссиқлик тармоқларининг баланс бўйича мансублигини бўлиниш ва уларни эксплуатация қилиш юзасидан жавобгарлиги чегаралари далолатномаси билан белгиланади. (1-илова).

5.7. “Таъминотчи” иситиш тизими ёқилганида сув айланиши ва иссиқ сув таъминоти учун тармоқдаги сув узатилишини бир қувурдан бошқасига ўтказилиши билан боғлиқ бўлган ҳолда тармоқ суви сифатининг (шаффофлиги, ранги, хиди) вақтинча бузилганлиги учун жавобгар бўлмайди.

5.8. Иссиқлик энергияси тармоқларига ўзбошимчалик билан уланиш ёхуд улардан фойдаланиш қоидаларини бошқача тарзда бузиш, иссиқлик энергияси, иссиқ сувни ҳисобга олиш асбобларига қасддан шикаст етказиш ёхуд бундай ҳисобга олиш асбобларининг кўрсаткичларини ўзгартириш мақсадида уларга ташқаридан аралаштириш Ўзбекистон Республикаси Маъмурий жавобгарлик тўғрисидаги кодексининг 101-моддасига асосан маъмурий жазо қўлланилганидан кейин анча миқдорда зарар етказган ҳолда содир этилган бўлса, - Ўзбекистон Республикаси Жиноят кодексининг 185²-моддасига асосан жиноий жавобгарликка тортилади.

VI. ФОРС-МАЖОР

6.1. Томонлар қуйидаги ҳолатларда иссиқ сув ҳолидаги иссиқлик энергиясини етказиб бериш ва истеъмол қилишни тўхтатиш ёки камайтиришга ҳақлидирлар ва бунинг учун жавобгарликка тортилмайдилар:

а) “Таъминотчи” ускуналарининг ишдан чиқишига сабаб бўлган табиий ҳодисалар: момақалдирик, бўрон, сув тошқини, зилзила, ёнғин, 48 соатдан ортиқ вақт мобайнида ушбу ҳудудда иситишни лойиҳалаштириш учун ҳисоблаб чиқилган ҳароратдан 3°Cга ва ундан ортиқ паст бўлган ҳароратда ҳавонинг узоқ вақт совиб кетиши, бошланғич сув сифатининг ёмонлашиши ҳолатларида;

б) енгиб бўлмайдиган кучлар (форс-мажор) ҳолатлари - бу томонларнинг иродаси ва фаолиятларига боғлиқ бўлмаган табиат ҳодисалари (зилзила, кўчки, бўрон, қурғоқчилик ва бошқалар) сабабли юзага келган шароитларда томонларга қабул қилинган мажбуриятларни бажариш имконини бермайдиган фавқулодда, олдини олиб бўлмайдиган ва қўйилмаган ҳолатларда;

6.2. “Таъминотчи” тизимидаги аварияларнинг олдини олиш ва уларни бартараф этиш ёки одамларнинг ҳафсизлигини таъминлаш ишларини ўтказиш билан боғлиқ кечиктириб бўлмайдиган чора-тадбирларни кўриш зарур бўлганда “Истеъмолчи” билан келишмасдан ва уни огоҳлантирмасдан, бироқ уни дарҳол хабардор қилган ҳолда иссиқлик билан таъминлашда танаффусга (узиб қўйишга) ёки чеклашга йўл қўйилади.

6.3. Агар мазкур шартноманинг 6.1-бандида кўрсатилган ҳолатлар томонлар ўз мажбуриятларини бажариш муддатларига бевосита таъсир кўрсатган бўлса, ушбу муддатлар форс-мажор ҳолатларининг амал қилиш вақтига сурилади.

VII. ШАРТНОМАНИНГ АМАЛ ҚИЛИШИ, МУДДАТИНИ УЗАЙТИРИЛИШИ ВА УНИ БЕКОР ҚИЛИШ ТАРТИБИ

7.1. Мазкур шартнома томонлар имзолаган кундан бошлаб кучга киради ва 1 январь 202__ йилдан, 31 декабрь 202__ гача амал қилади. Агарда томонлардан биридан ёзма равишда шартномани бекор қилиш ҳақида ариза тушмаса, шартнома кейинги йилга узайтирилган ҳисобланади.

Ушбу шартнома бир хил юридик кучга эга бўлган икки нусхада тузилади, улардан биттаси “Таъминотчи”да, иккинчиси эса “Истеъмолчи”да сақланади.

VIII. НИЗОЛАРНИ ҲАЛ ҚИЛИШ ТАРТИБИ

8.1. Тарафлар ўрталарида юзага келган низолар иқтисодий судида ёки ҳакамлик суди томонидан унинг Регламенти ва Ўзбекистон Республикаси қонунчилигига биноан кўриб чиқилади.

IX. ШАРТНОМАГА ИЛОВАЛАР

9.1. Ушбу шартномага қуйидагилар илова қилинади ва улар шартноманинг ажралмас қисми бўлиб ҳисобланади:

а) “Таъминотчи” ва “Истеъмолчи” ўртасида иссиқлик тармоқларининг балансга мансублиги бўйича бўлиниш чегараларини белгилаш далолатномаси (1-илова);

б) “Истеъмолчи”нинг ваколатланган масъул шахсини тайинлаш тўғрисидаги ишончнома (2-илова);

в) “Истеъмолчи” объектлари ва иссиқлик юкламалари ўрнашган жойлари (дислокацияси) тўғрисидаги маълумотнома (3-илова);

г) “Истеъмолчи” ташқи иссиқлик таъминотининг принципаи схемаси, унда жавобгарлик чегаралари ва ҳисобга олиш асбоблари ўрнатилган жойлар кўрсатилган бўлиши керак.

д) Иситиш учун узатиладиган иссиқлик энергиясининг ҳарорат жадвали.

е) “Истеъмолчи” ва “Таъминотчи” билан келишилган буюртманоманинг бир суткалик истеъмол жадвалига асосан белгиланган ва йил чораклари бўйича бўлиниши кўрсаткичлари (6-илова):

Х. ТОМОНЛАРНИНГ РЕКВИЗИТЛАРИ

“ТАЪМИНОТЧИ”

«Хоразм иссиқлик манбаи» ДУК

Почта манзили: 220100 Хоразм вилояти

Урганч шаҳри А.Темур кучаси 163 уй.

Ҳисоб рақами: 20210000300313443001

АТИБ «Ипотека» Урганч шаҳар филиали

Банк коди (МФО) 00579

СТИР(ИНН) 200408925

Электрон манзил: Xorazmissiqlikmanbai@mail.ru

Корхонанинг кодлари:

1. КТУТ (ОКПО) бўйича корхонанинг
коди _____

2. МХОБТ (СОАТО) бўйича ўрнашган жойи
коди _____

3. МШТ (КФС) бўйича мулк шакли
Коди _____

4. ТХШТ (КОПФ) бўйича ташкилий-ҳуқуқий
шакли коди _____

5. ХХТУТ (ОКОНХ) бўйича асосий иш
фаолиятининг тури коди _____

Имзо _____

Мухр ўрни

“ИСТЕЪМОЛЧИ”

Қўшқўпир туман Халқ таълими бўлими
(Истеъмолчи корхона номи)

Почта манзили: Қўшқўпир тумани Беруний
кўчаси 5 уй

Тел,факс 62-32-97-305

х\ракам 100022860332127092100075060

Банк номи Марказий банк Ташкент ш.

Банк коди (МФО) 00014

СТИР (ИНН) 200905877

Электрон манзил: _____

Газначилик х/р 23402000300100001010

Бюджетдан ташкари ҳисоб ракам: _____

Қўшқўпир туман Газначилиги

(Газначилик булимининг номи)

Изоҳ: Томонлар, ушбу бандда кўрсатилган
(корхонанинг номи, манзили, ҳисоб рақами ва ҳоказо)
маълумотларга ўзгартиришлар киритилганлиги ҳақида
ўз вақтида огоҳлантиришга мажбурдирлар.

Рахбар: К.Нурматов



Ҳуқуқшунос ҳудосаси: Мен «Хоразм иссиқлик манбаи» ДУК ҳуқуқшуноси _____
тарафлар уртасида 2012 йил « 14 » 01 № 270 сонли умумий суммаси _____
сумлик маҳсулот етказиб бериш тугрисидаги шартнома ҳуқуқий экспертизасини «Хужалик
юритувчи субъектлар фаолиятининг шартномавий ҳуқуқий базаси тугрисида» ги конуннинг 20-21
моддаларига асосан утказдим.

Ҳуқуқий экспертиза қилишда «Фуқаролик кодекси» ва амалдаги меъёри ҳужжатларда
курсатилган талабларга асосландим.

Шартнома «Фуқаролик кодекси» ва меъёрий ҳуқуқий ҳужжатлар талабларига тулик жавоб
беради. Ушбу шартномани томонлар тузишлари мумкин.

_____ (имзо)

Н. Раҳимов

Иссиқлик энергиясини
иссиқ сувда етказиб
бериш шартномасига
1 - илова

“Истеъмолчи” ва “Иссиқлик таъминоти корхонаси” ўртасида иссиқлик
тармоқларининг балансга мансублиги бўйича бўлиниш чегарасини белгилаш
ДАЛОЛАТНОМАСИ

20__ йил __ январь __-сон __ шаҳар/туман

Биз, қуйида имзо чекувчилар “Таъминотчи” вакили __ ва
“Истеъмолчи” вакили __ мазкур

(корхона номи, фамилия, исми, шарифи)

далолатномани шу ҳақда туздики, “Истеъмолчи” объектларидаги бино ва иншоотларга етказиб берувчи
иссиқлик таъминоти тизимлари хизмат кўрсатишнинг бўлиниш чегарасидир, бўлиниш чегарасидаги ёпиш
арматуралари “Истеъмолчи” тасарруфида бўлиб, унинг ходимлари томонидан хизмат кўрсатилади.

Т/р	Объектнинг манзили	Объектнинг манзил раками	Жавобгарлик ва хизмат кўрсатишнинг бўлиниш чегараси
	Бино ва иншоотлари	Хисоб варақга асосан	Икки томонлама чизилган схемага асосан

Иссиқлик таъминоти тизимларига иссиқлик ташувчи йўналишида схемада курсатилган чегарагача.

“Таъминотчи” томонидан хизмат кўрсатилади, ундан кейин эса “Истеъмолчи” томонидан хизмат кўрсатилади
ва таъмирланади.

“Таъминотчи”нинг ходими

__

Х. Саҳабов
(Ф.И.Ш.)

“Истеъмолчи”нинг ходими

__

Д. Кузнецов
(Ф.И.Ш.)

Иссиқлик энергиясини исиқ сувда
етказиб бериш шартномасига 2-илова

“Истеъмолчи”нинг ваколатланган масъул шахси тайинланганлиги тўғрисидаги

И Ш О Н Ч Н О М А

20__ йил “__” __-сон __ шаҳар/туман

“Истеъмолчи”

(корхона номи)

ўзининг 20__ йил “__” __даги __ - сонли буйруғи билан “Таъминотчи” билан алоқа қилиш ва
иссиқлик энергиясини узатиш ва узатишни тўхтатиш билан боғлиқ бўлган турли хилдаги масалаларни
келишиш учун ваколатланган масъул шахс этиб __ ни
тайинлайди. (жавобгар шахснинг Ф.И.Ш.)

Ваколатланган шахс билан алоқа қилиш учун ваколатланган шахснинг манзили ва телефони:

“Истеъмолчи”нинг раҳбари

__

И. Нурматов
(Ф.И.Ш.)

М.Ў.

Иссиқлик энергиясини иссиқ сувда
етказиб бериш шартномасига 3-илова

“Истеъмолчи” объектлари ва истеъмол юкламалари ўрнашган жойлари (дислокацияси) тўғрисида

МАЪЛУМОТНОМА

202__ йил “__” ____ -сон ____ шаҳар/туман

“Истеъмолчи”

(корхонанинг тўлиқ номи)

т/р	Объектнинг номи ва асосий мақсади	Объект- нинг манзил раками	Объект- нинг иссиқлик киритгичи нинг раками	Юклама, Г кал/соат				Иш соатлар сони			
				Х/к иси- тиш	х/к ша- мол- лат.	Исси- қ сув таъ- минот и .	Тех- нолог- ик	Шамо- лла- тиш Иши	ИСТ	Те- хн- ол- ог- ия	Ташқ- и хажм кв.м
	А) истеъмолчи	Хисоб варакада курсатилган курсаткичларга асосан									
	Б) субистеъмолчи	Буюртманоммага асосан «Истеъмолчи»га уланган субистеъмолчи йук									

Объектлар сони: Хисоб варакада барча курсатилган объектлар.

“Истеъмолчи”нинг иссиқлик юкламалари объектнинг қурилиш лойҳасига мос

“Истеъмолчи”нинг бўлим бошлиғи

“Таъминотчи”нинг ходими

“Истеъмолчи”нинг ходими

Изоҳ: “Истеъмолчи”нинг битта объектида бир нечта иссиқлик киритгичи бўлса, уларнинг рўйхати алоҳида-алоҳида, объект бўйича юкламаларнинг якуний натижалари билан берилди.

Иссиқлик энергиясини иссиқ сувда етказиб
бериш шартномасига 4-Илова

Истеъмол қилинган иссиқлик энергияси бўйича

ХИСОБОТ

202__ йил ____ ой учун

кусаткичдан олинган кун 20__ йил “__” ____

Т/р	Хисоб- ла- гич тури (хисоб- ла- гич номи, тури, завод рақам и)	Тар- моқ- қа узат и- лаёт ган сувни- нг сарф и тн.	Тармоқ - дан қайтаёт- ган сувнинг сарфи тн.	Тармоқ қа узатилаёт- ган сувнинг харорати t	Тармоқ- дан қайтаёт- ган сувнинг харорати t	Бирламчи (исходно й) сувнинг харорати Т	Иситиш га Ишлати- л- ган иссиқли- к энергия- си Гкал	Иссиқ сув таъминоти учун ишлатилган иссиқлик энергияси Гкал	Жами ишлатилган иссиқлик энергияси Гкал
Хар ойнинг 25 санасида тўлдирилиб бориладиган улчагич жихоз курсаткичларга асосан									

“Таъминотчи”нинг ходими

“Истеъмолчи”нинг ходими

Р. Азаматов
(Ф.И.Ш.)
Р. Кузнецов

Шартноманинг 2.2 бандига 6-илова
 “Истеъмолчи” ва “Таъминотчи” билан келишилган
 буюртманоманинг бир суткалик истеъмол жадвалига
 асосан белгиланган ва йил чораклари бўйича бўлиниши
 курсаткичлари :

Давр	Иссиқлик энергиясининг миқдори Гкал			Жами узатиладиган иссиқлик энергиясининг миқдори Гкал	бир суткалик узатиладиган иссиқлик энергиясининг миқдори Гкал
	технологик эҳтиёжлар	иситиш ва шамолатиш учун	иссиқ сув таъминоти		
1	2	3	4	5	6
I чорак	Хисоб китоб варагида тулик тулдирилади ва барча курсаткичлар ойлик, кунлик, саотлик иссиқлик энергия миқдорлари ва тулов суммаси билан биргаликда.				
Январь					
Февраль					
Март					
II чорак					
Апрель	Хисоб китоб варагида тулик тулдирилади ва барча курсаткичлар ойлик, кунлик, саотлик иссиқлик энергия миқдорлари ва тулов суммаси билан биргаликда.				
Май					
Июнь					
III чорак					
Июль	Хисоб китоб варагида тулик тулдирилади ва барча курсаткичлар ойлик, кунлик, саотлик иссиқлик энергия миқдорлари ва тулов суммаси билан биргаликда.				
Август					
Сентябрь					
IV чорак					
Октябрь	Хисоб китоб варагида тулик тулдирилади ва барча курсаткичлар ойлик, кунлик, саотлик иссиқлик энергия миқдорлари ва тулов суммаси билан биргаликда.				
Ноябрь					
Декабрь					
Жами					

“Истеъмолчи”нинг ходими

“Таъминотчи”нинг ходими

М.У



Д. Кузнецов

Р. Атамасов